

LAI: brunch cun Jon Domenic Parolini, pbd

Igls profis on do pled e fatg

vcd./pi. En ansolver pi extendia cun bleras infurmaziuns e la caschung d'emprender a sa canoscher pi bagn. Bleras infurmaziuns sur dalla hotellerie èn er stadas da santeir chella dumang.

Sonda passada è ena pitschna grupp interessuandada all'invitaziun dalla pbd a galdeir en brunch aint igl hotel Schweizerhof a Lai. Fegnameira da chella scuntrada era da canoscher pi bagn cunsiglier guvernativ Jon Domenic Parolini, biagier giu las temas da neir mengia manivel agls politichers e surtot er d'aveir la caschung da far ad el dumondas concretas. Igls giasts on galdia igl stupent ansolver digl hotel Schweizerhof.

L'istorgia ed igl success digl hotel

Siva digl bung ansolver, ò igl hotelier e possessor digl hotel Schweizerhof e president da Hotelleriesuisse, surpiglia da manar igls giasts tras chel travagl exemplaric.

Igl hotel è nia biagia igl onn 1904. Igl onn 1990 èn Claudia ed Andreas Züllig nias a Lai ed on surpiglia igl hotel. Las sagondas abitaziuns tgi tutgivan tigl complex digl hotel, nivan manadas scu aparthotellerie e randevan angal schi las abitaziuns savevan neir vandeidas. Percheigl ègl sto urgent necessari da midar igl concept.



Ena grupp ve da meisa pronta per igl ansolver.

Igl hotel è nia separo dallas abitaziuns da proprietad, la halla da tennis è neida stratga giu ed igl è nia biagia ena construcziun nova. Igl nov concept è nia sviluppo «global e regional». Chegl vot deir en hotel da famiglia cun parti-

ziun da wellness, ena scoletta per surlivgier igls genitours e dar ad els spazi liber, salv per seminars ed en bogn cuvert. Tgi igl hotel Schweizerhof ò tutgia la nota cun chel concept, demossan las cefras digls davos onns.

Surtot giasts dalla Svizra

Igls giasts dereivan surtot dalla Svizra, pero suando dalunga dalla Germania. Schibagn tgi igl onn passo seia sto en fitg bung onn, ins dastga ossa betg simplamaintg pussar or sen las arbaias, ò igl hotelier managea. I detta anc blier da far ed i seia da nizigier or igl schlantsch. Igl persunal digl hotel contribuescha fitg blier agl success, uscheia Andreas Züllig. Per el seia fitg impurtant tgi igls sies ampluias seian loschs da dastgeir luvrar ainten chel travagl e tgi els scheian er anavant chegl ed uscheia ins saptga er gudagner novs collaboratours.

Bleras dumondas e veiva discussiun

Tar chella guidada tras igl hotel è nia tratg an raschienen bliers temas e las dumondas a Jon Domenic Parolini eran fitg directas. Per Andreas Züllig è cler, tgi uscheia travagls duessan betg neir sustignias finanzialmaintg digl mang public. La politica duess pero stgaf-feir las cundiziuns da rom correspondentas, per dar agls interprendeiders igl spazi liber per tgi saptgan er propi sa svilupar anavant e star sen tgommas fermas.



(da san.) Igl hospitant digl Hotel Schweizerhof, Andreas Züllig, cunsiglier guvernativ an uffezi Jon Domenic Parolini e l'anterioura cunsigliera guvernativa e cunsigliera federala, Eveline Widmer-Schlumpf.